

運氣論奧疏鈔

卷六



運氣論幽疏鈔卷之六

難波津

後學

松下見林

著

目錄

論五天之氣第十一

論五音建運第十二

論月建第十三

論天地六氣第十四

論主氣第十五

論客氣第十六

論天符第十七


論歲會第十八

論回天符同歲會第十九

論南北政第二十

素問入式運氣論奧卷中

五 天 氣 圖





# 論五天之氣第十

五天之氣△丹天之氣齡天之氣素天之氣玄天之氣蒼天之氣太古觀天察五氣此五運之所以化也

天地支干相錯而列於八方各有定位星宿環列垂象

於其上而各有分野天地支干△天干地支也○相錯而列於八方△如圖中所紀○各

有定位△十干十二支各有一定方角也○星宿△

二十八宿○環列△環列於周天也○垂象於其上

△史記樂書註象光耀△其上天干地支之上也○

分野△如星宗大全分野黃道之分野謂二十八宿

之分次非邦域分野之義圖中以二十八宿分屬於

十干十二支者是也五運分野之法牛女奎壁四宿

臨戊癸之位心尾角軫四宿臨甲巳之位亢氏昂畢

四宿臨乙庚之位張翼婁胃四宿臨丙辛之位危室

柳鬼四宿臨丁壬之位詳見下文按洪範皇極內篇

下卷曰分天為九野中央曰鈞天其星曰北極上規

七十二度東方曰蒼天其星亢氏房心尾東北曰昴  
大其星箕斗北方曰玄天其星牛女虛危室西北曰  
幽天其星壁奎婁西方曰昊天其星胃昂畢西南曰  
朱天其星觜參井南方曰炎天其星鬼柳星張翼東  
南曰陽天其星翼軫角皆四十有五度半疆此亦以  
天分九野可見野字以區處為言不獨止於國野封  
域分野之說亦不可不知三才圖會天文  
三卷有二十八宿分野之圖所宜參考

故太古占天望氣以書于冊垂示後人在精意以致之

而後可明也

太古△通鑑捷錄盤古氏一曰盤固氏乃  
為太古注遠大故舊之義也○占天望氣

△占字彙候也又瞻也△楊子法言五百篇或問聖  
人占天乎曰占天地若此則史也何異曰史以天占  
人聖人以人占天△望氣經曰凡望氣占候皆在子  
午卯酉之時太乙初移宮皆有氣見可以測之夕則  
日入時朝則日出時夜則夜半時中則午時△史記  
二十七天官書曰凡望雲氣仰而望之三四百里采



望在桑榆上餘千里二千里登高而望之下屬地者  
三千里△占天望氣觀五夫察五氣也△太古占天  
望氣依張氏說為天地開闢初之事小學紺珠以為  
伏羲占天望氣未知孰是○以書于冊△素問五運  
行大論帝曰願聞其所始也岐伯曰昭乎哉問也臣  
覽太始天元冊文冊天之氣經於牛女戊分黔天之  
氣經於心尾巳分蒼天之氣經於危室柳鬼素天之  
氣經於亢氏昂畢玄夫之氣經於張翼婁胃張註此  
所以辨五運也始謂天運初分之始太始天元冊文  
太古占天文也此天地初分之時赤氣經於牛女戊  
分牛女癸之次戊當乾之次故火主戊癸也黃氣經  
於心尾巳分心尾甲之次巳當巽之次故土主甲巳  
也青氣經於危室柳鬼危室壬之次柳鬼丁之次故  
木主丁壬也白色經於亢氏昂畢亢氏乙之次昂畢  
庚之次故金主乙庚也黑氣經於張翼婁胃張翼丙  
之次婁胃辛之次故水主丙辛也此五運之所以化  
也△天元紀大論王注天元冊所以記天真元氣運  
行之紀也自神農之世鬼臾區十世祖始誦而行之

此太古占候醫文。漢平伏羲之時已鑄諸下。版命曰冊。文太古靈文。故命曰太始天元冊也。△王應麟小學紺珠經曰：伏羲氏占天望氣而畫卦。後世有太元玉冊，目為伏羲之書者，乃鬼吏區十世口誦而傳之也。△余觀古今醫統有太始天元玉冊元誥，此非素問所引。太始天元冊者，證之經文，天元紀大論五運行大論則俱言太始天元冊。文六微旨大論則曰：天元冊未嘗以元誥稱之也。新校正云：今世有太元玉冊，或者以謂即此太始天元冊。文非是。恐指元誥而言。又有王冰天元玉冊并載其目於後，以博多聞矣。又國史經籍志有太始天元玉冊，截法見下卷論歲中五運鈔中。余謂經所引太始天元冊者，後世不可見。惟元誥截法等書而傳于世，然皆非本書也。△古今醫統卷之三翼醫通考上：太始天元玉冊元誥十卷，不知何人所作。歷漢至唐，諸藝文志俱不載錄其文，自與內經不類。非戰國時書，其間有天皇真人昔書其文，若道正無為先天有之太易無名先於道生等語，皆老氏遺意。意必老氏之徒所著。太要推原五運六氣。



上下臨御主客勝復政化維乘及三元九宮太乙司  
政之類殊為詳明深足以羽翼內經六微旨五常政  
等論太玄君扁鵲為之註猶郭象之於南華非新學  
之所易曉觀其經註下律似出下人之手謂扁鵲為  
黃帝時人則其書不古謂扁鵲為秦越人則傳中無  
太玄君之號醫門倣托率多類此△同採摭諸書天  
元玉冊三十卷啓玄子王氷述元帝內經之意益之  
以五運六氣之變△文獻通考二百二十二天元王  
策三十卷晁氏曰啓元子撰即唐王礪也書推五運  
六氣之變△此言上世占天望氣立五運以書事于  
太始天元冊垂示於後人素問引其文然其文簡古  
似省略故讀冊文者精心意以考之而後可明之

蓋天分五氣地列五行五氣分流散於其上經於列宿

下合方隅則命之以為五運

蓋△此說冊文大意故下  
蓋字○天分五氣△五氣

五色雲氣○地列五行△言地列十千十支五行  
之位也○流△字彙演也單也○其上△十千十



支之上也。○經△字彙適也。○列宿△文選二十五  
傳長虞贈何劭王濟詩列宿曜紫微向曰列宿二十  
八宿也。△此列宿者指牛女奎壁心尾角軫亢氏昂  
畢張翼婁胃危室柳鬼二十宿也。按五運行大論五  
天之氣經於此二十宿每氣各四宿四十五二十也。○  
方隅△四方四隅即十干之位也。○命△韻會名也。  
△愚按五天之氣經於二十宿之上其所向方角十  
干皆化於其氣如戊土癸水而丹天之氣向其方故  
戊癸年為火運之類也。五天之氣與十干之五行所  
合者止已庚二運而已餘盡不合之矣。蓋此五行氣  
化之妙用也。○以  
上三節一篇之序

丹天之氣經于牛女奎壁四宿之上下臨戊癸之位立

為火運

自此下五節推太始天元冊之意以言立五運

立為火運△言立

戊癸年為火運也

齡天之氣經于心尾角軫四宿之上下臨甲巳之位立

為土運齡天之氣△張註齡黃色土氣也○立為土運△言立甲巳年為土運也

素天之氣經于亢氏昂畢四宿之上下臨乙庚之位立

為金運素天之氣△張註素白色金氣也○立為金運△言立乙庚年為金運也

玄天之氣經于張翼婁胃四宿之上下臨丙辛之位立

為水運玄天之氣△張註玄黑色水氣也○立為水運△言立丙辛年為水運也

蒼天之氣經于危室柳鬼四宿之上下臨丁壬之位立

為木運蒼天之氣△張註蒼青色木氣也○立為木運△言立丁壬年為木運也

此五氣所經二十八宿與十二分位相臨則灼然可見



因此以紀五天而立五運也

此△承上五節○五氣△五天之氣○二十八宿△

指斗女奎壁心尾角軫亢氏昂畢張翼婁胃危室柳鬼二十宿也○十二分位△十二支相分而位也○本分作支言十二分位則十干在其中矣又按十二十干之誤與謂十干分位則合上文之意也○灼然△祖庭事苑一卷酌然當作灼然隻略切昭灼也△此言五氣經於二十八宿之間二十八宿與十干分相向臨故占天望氣昭然可見之因此聖人以紀五天之名而立五運年也△愚按二十八宿環列於四方附天而移每日周天一匝天傾西北故二十八宿半隱半見不可同時皆見矣若星宿為南方中星則二十八宿雖半隱而各為列於其方太古占天望氣恐在星宿中星之時乎左氏傳曰九分至啓閉必書雲物蓋分至啓閉之日若昏若旦星宿為中星時以望五天之氣也△醫學入門聖人仰觀五天雲色分注九占當於正月初一日若太過之紀寅初看不及之紀寅末看平治之紀寅正看△又按諸書知五運



出於五天之氣而不知六氣亦出於五天之氣故有  
正化對化之說明樓全善醫學綱目以爲五運六氣  
皆出於五天之氣可謂深得經旨也今表出其說于  
下○醫學綱目四十卷五運六氣總論五運行大論  
類註曰此一章覆論前章五運六氣所化陰陽之義  
也其論五天之象所經星宿爲運氣之化皆干與支  
同屬者及連位者齊化也土主甲巳及丑未之上六  
陰主之者齡夫之氣經于心尾巳分之象而心尾者  
甲地巳分者中宮故甲與丑連位巳與未同屬齊化  
濕土也金主乙庚及卯酉之上陽明主之者素天之  
氣經于亢氐昂畢之象而亢氐者乙地昂畢者庚地  
故乙與卯同屬庚與酉同屬齊化燥金也水主丙辛  
及辰戌之上太陽主之者玄天之氣經于張翼婁胃  
之象而張翼者丙地婁胃者辛地故丙與辰連位辛  
與戌連位齊化寒水也木主丁壬及巳亥之上厥陰  
主之者蒼天之氣經于危室柳鬼之象而危室者壬  
地柳鬼者丁地故壬與亥同屬丁與巳同屬齊化風  
木也火主戊癸及子午之上少陰主之寅申之上少

陽主之者，丹夫之氣經于牛女戌，分之象。而牛女者，癸地戌，分者中宮故。癸與子同屬戌，與午連位齊化火熱也。干之甲乙屬木，位東。丙丁屬火，位南。庚辛屬金，位西。壬癸屬水，位北。戊己屬土，位中宮。支之寅卯配甲乙，巳午配丙丁，申酉配庚辛，亥子配壬癸，辰戌位東南，未位西南，戌位西北，丑位東北。為四維屬戌。巳故乙卯同屬木，丁巳同屬火，己未同屬土，庚酉同屬金，壬癸亥子同屬水也。甲寅位東之首，癸丑位北之首，而甲丑連位。癸寅連位也。丙位南之首，辰位東之首，而丙辰連位也。戊己位木火金水中間在天地為門戶，在四時為長夏，南連午，西連申，而戊己午申連位。故戊己無方位而經獨言戊，分巳分者表章之也。辛戌皆位西之尾，而辛戌連位也。獨戊火連申夾未土於中，癸火連寅夾丑未於中者，蓋濕土在中，火游行其間，在天在土，前在地居土後而土火常相混也。故土旺長夏火熱之內，丹溪深悟此理，發明濕熱相火為病，十居八九。及有濕鬱生熱，熱久生濕之論，良以此也。其五天之象所經星宿分野獨當五運之干。



位不及六氣之支位者蓋干之與支即根本之與枝  
葉經言干則支在其中矣故其化皆干與支之同屬  
有連位齊化者是根本與枝葉同化者也○  
又宜與論客氣鈔中醫學綱目之語參考

戊為天門乾之位也巳為地戶巽之位也

戊為天門巳為地戶△此

篇圖中無戊巳戊下曰天門巳下曰地戶此言戊為  
天門巳為地戶即釋內經奎壁角軫則天地之門戶  
也之義戊巳無方位而經獨表戊分巳分又繼之以  
所謂戊巳分者奎壁角軫則天地之門戶也蓋以奎  
壁見戊分以角軫見巳分也然初學難明之故今釋  
其意言奎壁臨乾角軫臨巽故戊為天門巳為地戶  
△五運行大論曰所謂戊巳分者奎壁角軫則天地  
之門戶也張註奎壁臨乾戊分也角軫臨巽巳分也  
戊在西北巳在東南遁甲經曰六戊為天門六巳為  
地戶故曰天地之門戶詳義見圖翼一卷奎壁角軫  
天地之門戶說△圖翼奎壁角軫天地之門戶說在  
前十二支篇鈔中○乾之位△說卦傳曰乾西北之



卦也。△位、方位。○巽之  
△說卦傳曰巽東南也。

自房至<sup>十二</sup>畢十四宿爲陽主晝自昴至<sup>二十二</sup>心十四宿爲陰主

夜通ヲ一日也ナ


此言二十八宿有屬陽者有屬陰者分主晝夜也△靈樞衛氣行篇曰天周二十八

宿而一面七星四七二十八星房昴爲緯虛張爲經是故房至畢爲陽昴至心爲陰陽主晝陰主夜張註自房至畢其位在卯辰巳午未申故屬陽而主晝自昴至尾其位在酉戌亥子丑寅故屬陰而主夜○運氣易覽論五天五運之氣後曰一說自開闢以來五氣秉承元會運世自有氣數天地萬物所不能逃近世當是土運是以人無疾而亦痰如俗稱楊梅瘡自南行北人物雷同濕生○又曰一人旅寓北方夏秋久雨天行咳嗽頭痛用益元散滑石六兩甘草一兩薑葱湯調服應手取効曰發數十片此蓋甲巳土運濕令痰壅肺氣上竅但瀉膀胱下竅而已不在咳嗽例也

# 五音建運之圖

## 論五音建運第十二

五音建運△言以五音配五運而分  
太少以見氣化之異故曰五音建運



五音者五行之音聲也主曰宮金曰商木曰角火曰徵

水曰羽在陽年則曰太在陰年曰少

音聲△禮記樂記集說詩疏曰雜比

曰音單出曰聲○土曰宮△土下著音字着金不火水皆倣此○在陽年則曰太在陰年曰少△陰年下當有則字△言五運有陽年有陰年陽年曰太陰年曰少故圖中五音上著太少字○以上序分

晉書曰角觸也象諸陽氣觸動而生

自此下五節引晉書釋宮商角徵羽

之義也○晉書△文獻通考卷之一百九十二經籍考正史晉書一百三十卷晁氏曰唐房喬等撰貞觀中以何法盛等十八家晉史未善詔喬與褚遂良許敬宗再加撰次乃據臧榮緒增損之後又命李淳風李義甫李延壽等十二人分掌著述敬播等四人考正類例西晉四帝五十四年東晉十一帝一百二十年又胡羯氏羌鮮卑割據中原為五涼四燕三秦二趙夏蜀十六國共成帝紀十志二十列傳十載記三十例出於播天文律曆淳風專之喬以宣武紀陸機王羲之傳論上所自為故曰制旨又總題御撰焉按